

L'Amassada Generala de l'IEO los 22 e 23 d'abril de 2023 a Rodés

L'amassada generala venenta de l'institut d'estudis occitans, aculhida per la seccion d'Avairon (IEO12), se debanarà a Rodés los 22 e 23 d'abril de 2023 dins la sala de conferéncia del Centre cultural (25 avenguda Victor-Hugo, 12 000 Rodés).

Totes los aderents de l'IEO son convidats a l'amassada generala, moment fòrt important dins la vida democratica de nòstra associacion. L'amassada generala es dubèrta a tots los aderents, personas fisicas e morales (associacions aderentas) al jorn de lor cotisacion. Cada aderent a una votz e pòt, en mai, èsser mandat per 10 autras personas. Lo bilanç de l'annada passada i serà presentat per votacion, e las activitats e accions per l'annada a venir i seràn discutidas e decididas. L'AG serà tanben aquesta annada lo moment de votar per un conselh d'administracion novèl, qu'es elegit totes los dos ans. Las candidaturas son dubèrtas e benvengudas.

Las sesilhas se tendràn lo dissabte aprèp-miègjorn e lo dimenge matin, e una serada festiva es organizada per l'IEO12.

Luòc : Sala de conferéncia del Centre cultural

La session se debanarà al centre de **Rodés**, dins la sala de conferéncia del Centre Cultural del Conselh departamental. Se tròba dins lo bastiment dels arquijs departamentals, 25 avenguda Victor-Hugo, entre lo musèu Pierre Soulages e la catedrala.

Amb lo bus : De la gara SNCF, bus linha C, direccion Place Foch, arrest « Amphithéâtre ». Lo Centre cultural-Arquijs departamentals se tròba a 300 m en montant vèrs la catedrala. **Amb la veitura** : lo parking pus pròche es lo parking josterran « parking du Foiral », jol musèu Pierre Soulages e « l'Esplanade des Ruthènes ».

Programa

Dissabte 22 d'abril

14 h – 18 h 30 : primièra sesilha de l'AG

13 h 30 : Acuelh e inscripcion a la Sala de conferéncia del Centre Cultural.

14 h – 14 h 15 : dichas de benvenguda.

14 h 15 – 15 h 45 : presentacion e vòte dels rapòrts **moral**, d'activitat e financièr.

15 h 45 – 16 h 15 : pausa

16 h 15 – 18 h 00 : sesilha de trabalh : las activitats de l'IEO

Presentacion per los membres del burèu de la situacion actuala de l'IEO, de son organizacion de trabalh e de sas activitats.

questions diversas.

Discussion, **orientacions generalas** per l'annada **que ven**, **votacion budget previsional.**

18 h 10 – 18 h 30 : candidaturas al conselh d'administracion. Clavadura de la sesilha.

serada : serada dinatòria e festiva, amb la participacion del cantaire e musicaire Arnaud Cance. Inscripcion prealabla necessària (veire « serada »).

Dimenge 23 d'abril

9 h – 12 h 30 : segonda sesilha de l'AG

8 h 30 : acuelh a la Sala de conferéncia del Centre Cultural.

9 h – 12 h : sesilha de trabalh tematica e sintèsi

La conferéncia dels presidents de seccions departamentalas : **rescontre amb los presidents presents.**

proposicions dels aderents per l'annada que ven

Projècte de concors de corals occitanas (**consitucion del grop de pilotage**)

Las relacions entre l'IEO e las institucions nacionalas e internacionalas, lo cas d'ELE (european language equality)

Coma melhorar la comunicacion e la formacion a dintre de l'IEO ?

Orientacions per l'annada que ven : sintèsi.

12 h – 12 h 30 : **Presentacion dels candidats al CA de l'IEO e eleccion.** Clavadura de l'AG.

Dinnar liure

serada dinatòria lo 22 d'abril

Una serada dinatòria, al prètz de 20 €, es organizada dins la sala de seminari de l'*Hôtel du Midi*, a costat de la catedrala de Rodés, amb la participacion del cantaire e musicaire Arnaud Cance.

NB : per de questions d'organizacion, la reservacion es necessària alprèp de l'IEO 12 (lo pagament se farà sus plaça).

IEO Avairon : ieo.aveyron@gmail.com tel. 06 74 75 45 77

Albergament

L'informacion generala sus las possibilitats d'albergament se pot trapar a l'Ofici de torisme de Rodés (www.rodez-tourisme.fr), place de la Cité 12000 Rodez. tel. [05 65 75 76 77](tel:0565757677).

De mai, l'IEO Avairon a obtengut una tarifa preferenciala per los participants a l'AG a l'*Hôtel du Midi*, ont se debanarà la sera del 22 al ser.

Nuech+serada dinatòria+desjunar : 58 € per persona en cambra dobla (lièch doble o bessons)
78 € per persona en cambra simpla

L'ostalariá, amb una possibilitat de parcatge, es en plen centre de la vila, en fàcia de la catedrala, e a 400 m del luòc de l'amassada generala.

Hôtel du Midi, 1-12 rue Béteille, 12000 Rodez <https://hotel-du-midi.net/>

NB : per de questions d'organizacion, la pre-reservacion es necessària alprèp de l'IEO 12 (lo pagament se farà sus plaça). *IEO Avairon* : ieo.aveyron@gmail.com tel. 06 74 75 45 77

candidaturas al conselh d'administracion

Las candidaturas al conselh d'administracion se pòdon far en linha, o al moment de l'AG.

Poders

Se podètz pas èsser present a l'AG, es possible de participar en donant poder a un autre adherent de l'IEO, **sia en linha**, sia en donant lo poder al participant (çai jos), que lo deurà portar a l'AG.

CONTACTES

- Remarcas, candidaturas per l'AG, proposicions, questions diverses : direccion@ieo-oc.org / 06 34 16 63 90

Poder per l'amassada generala de l'Intitut d'estudis occitans 22 e 23 d'abril de 2023 a Rodés

Ieu, sossignat(da)

NOM : _____ Pichon nom : _____

aderent de la seccion departamentala : _____

balhi poder a

NOM : _____ Pichon nom : _____

aderent de la seccion departamentala : _____

per me representar a l'assamblea generala 2023 de l'IEO lo 22 d'abril lo 23 d'abril

A, _____ lo _____ Signatura :